

Kurpalzblues

Moi Schbrooch, ihr Leit, die derf ma nedd vunn owwerunner heere
Do muß ma noi, wie in än diefe Fluß
Donn spiert ma's uff de Haut, des kann ma nedd erkläre
De Flußgott in moim Schbroochfluß is de Blues

Kurpälzisch des rauscht unn wischbert
Dief unn breed wie unsern Roih
Laut isses monschmol - unn leis unn zart, wann's gnischderd
Unn schmeckt im Mund wie roder Woi

Monschmol heer isch Leit als saache, unser Schbrooch wär ordinär
Wär so rauh unn derb unn kehlisch
Immer heert ma 'als' unn 'allaa' unn vor alle Dinge 'heer'
Doch die begreife gonz allmählich:

Moi Schbrooch, ihr Leit, die derf ma nedd vunn owwerunner heere
Do muß ma noi, wie in än diefe Fluß
Donn spiert ma's uff de Haut, des kann ma nedd erkläre
De Flußgott in moim Schbroochfluß is de Blues

Moi Muddaschbrooch iss dief verwurzelt
Im Alldaach vunn de glääne Leid
Wo's lebt unn bebt unn monschmol borzelt
Wo's monschmol eng werd, monschmol weit

Sie hott misch schunn als Kind gerett,
moi Muddaschbrooch, des isses Schänschde:
lernsch frei soi, griggsch ä freschi Gosch
Kään Bickling vor de Große, kään Tritt gege die Glänschde
Ob sowas schu'mol gfunne hosch:

Refrain:

Moi Schbrooch, ihr Leit, die derf ma nedd vunn owwerunner heere...

© **Hans-Peter Schwöbel: Monnema Fetzä. CD.**
ISBN 3-925897-06-2

www.hpschwoebel.de